

Prome fase di construccin di Secrets Baby Beach Resort ta cla pa cuminsa

E hotel no lo tin ningun influencia negativo riba Aruba su medio ambiente y ecologia



PROME cu tur cos nos di Connected Capital, Grupo Martinon hunto cu Three Rivers Real Estate kier duna nos gradecimento n'e pueblo di Aruba pa duna nos e honor pa por tin e oportunidad di cuminsa e proyecto aki.

Nos ta consciente di e importancia di e plan di desaroyo cu e Gobierno a programa p'e pueblo di San Nicolas. Dor di e rason aki nos proyecto a wordo crea y desaroya y lo wordo construi den un manera ecologico pa Aruba, specialmente e pueblo di San nicolas.

CONSTRUCCION

E prome fase di e hotel tin un tempo di construccin di 18 luna di comienso. Despues di e proceso aki, e hotel lo habri su portanan. E fecha di inicio lo ta den acuerdo cu e datonan di entrega y e autorisacion di permiso. E di dos fase lo cuminsa despues di e transicion estableci. Esaki tin un tempo stipula di 12 luna.

INVERSION

Inicialmente e proyecto di Connected Capital tin un inversion di aproximadamente di 200 milyon, dividi den dos fase:

1. E prome fase di e proyecto di 600 kamber ta cuminsa cu un suma di aproximadamente 127 milyon.
2. E di dos fase di 300 kamber tin un inversion di aproximadamente 73 milyon.

BENEFICIONAN POSITIVO DI E HOTEL P'E COMUNIDAD

Cu e establecimiento di e hotelnan, Gobierno ta spera di atrae actividadnan economico pa San Nicolas, no solamente den e forma hotelero, pero specialmente

den forma di servicio industrial manera laundry service, area gastronomico y pacusnan.

Mayoria di e gastonan di construccin ta bay ta cu companianan local cu lo resulta den un inversion den y pa e economia Arubano.

Treciendo trabou temporario pa contratistanan y proveedornan di servicio. E contribucion hotelero ta proyecta pa genera \$12,3 milyon den e prome aña y aproximadamente \$30,1 milyon den 5 aña.

Lo tin un totalidad di 900 trahador di contruccion envolvi, 600 den e prome fase y 300 den e di dos fase.

Grupo Martinon hunto cu Three Rivers Real Estate lo haci lo mihor di nan pa envolvi compania nan local y ofrece localnan cu oportunidad di trabou via p.e. Departamento di Labor.

E prome area di e hotel ta spera di genera directamente 330 empleo, siguiendo cu e di dos area den e di dos aña di construccin cu lo forma un totalidad di 500 trahador.

P'e di 5 aña ta spera di tin un totalidad di mas cu 620 trahado. Aparte di salario e beneficianan di empleo lo encera programanan di salud, iniciativa den consciencisacion social manera derechonan igual, prevencion di abuso sexual, prevencion di adiccion y recuperacion.

Un otro beneficio di e desaroyamento di e proyecto den e area t'e empleo indirecto cu esaki lo crea pa proveedornan local, companianan di servicio y comercio minorista. Esaki ta stipula di trece 60 empleo den e area di comercio.

Tur empleado di hotel lo ricibi un training di induccion y e training di capacitacion lo sigui den transcurso di nan empleo. Motivacion laboral, liderasgo y comunicacion, exelencia den servicio comercial, programanan di lenguahe, medio ambiente y sostenibilidad.

Manera describi anteriormente, e actividadnan di e hotel no lo tin ningun influencia negativo riba Aruba su medio ambiente y ecologia. E hotel lo tin pool, casino y otro fasetanan di entretenimento rond di un paisahe estilo desierto cual no lo afecta e naturalesa alrededor di e proyecto.